



## ჯანმრთელობის დაცვის და სოციალურ საკითხთა

კომისიის სხდომის ოქმი №9

15 აპრილი 2022 წელი

13:00 საათი

ა/წ 15 აპრილს ქ.თბილისის მუნიციპალიტეტის საკრებულოში ჩატარდა ჯანმრთელობის დაცვის და სოციალურ საკითხთა კომისიის სხდომა.

სხდომას ესწრებოდნენ ჯანმრთელობის დაცვის და სოციალურ საკითხთა კომისიის წევრები:

1. ზურაბ ჩივილაძე (კომისიის თავმჯდომარე);
2. ლევან აბაშიძე;
3. ანა კაგაბაძე;
4. სოფიო ჯაფარიძე;
5. ლილე ლიპარტელიანი;
6. ვახტან სურგულაძე;
7. მამუკა გუგეშაშვილი.

მოწვეული პირები:

ქალაქ თბილისის მუნიციპალიტეტის მერიის ჯანდაცვისა და სოციალური მომსახურების საქალაქო სამსახურის უფროსი გელა ჩივიაშვილი;

ქალაქ თბილისის მუნიციპალიტეტის მერიის საფინანსო საქალაქო სამსახურის უფროსი გაიოზ თალაკვაძე;

სხდომის დღის წესრიგი:

- ქალაქ თბილისის მუნიციპალიტეტის ბიუჯეტით გათვალისწინებული ჯანმრთელობის დაცვის ქვეპროგრამების განხორციელების წესების დამტკიცების შესახებ“ ქალაქ თბილისის მუნიციპალიტეტის საკრებულოს 2021 წლის 29 დეკემბრის N5-15 დადგენილებაში ცვლილების შეტანის შესახებ“ ქალაქ თბილისის მუნიციპალიტეტის საკრებულოს დადგენილების პროექტი;

- 2021 წლის ბიუჯეტის შესრულების წლიური ანგარიში.

სხდომას თავმჯდომარეობდა ჯანმრთელობის დაცვის და სოციალურ საკითხთა კომისიის თავმჯდომარე ზურაბ ჩიკვილაძე. სხდომის თავმჯდომარემ სხდომა გახსნილად გამოაცხადა და დამსწრე წევრებს დასამტკიცებლად წარუდგინა ჯანმრთელობის დაცვის და სოციალურ საკითხთა კომისიის სხდომის დღის წესრიგი. კომისიის მიერ ერთხმად იქნა დამტკიცებული სხდომის დღის წესრიგი.

მოწვეულმა სტუმარმა ქალაქ თბილისის მუნიციპალიტეტის მერიის ჯანდაცვისა და სოციალური მომსახურების საქალაქო სამსახურის უფროსმა გელა ჩიკვაშვილმა ისაუბრა წარმოდგენილი ცვლილების შესახებ, კერძოდ: დადგენილების პროექტის თანახმად, ცვლილება შედის „ქალაქ თბილისის მუნიციპალიტეტის ბიუჯეტით გათვალისწინებული ჯანმრთელობის დაცვის ქვეპროგრამების განხორციელების წესების დამტკიცების შესახებ“ ქალაქ თბილისის მუნიციპალიტეტის საკრებულოს 2021 წლის 29 დეკემბრის N5-15 დადგენილებაში, კერძოდ აღნიშნული დადგენილების პირველი მუხლის „გ“ ქვეპუნქტით დამტკიცებული „აუტიზმის სპექტრის დარღვევის მქონე ბავშვთა აბილიტაციის ქვეპროგრამის განხორციელების წესის“ მე-4 მუხლის მე-2 პუნქტში.

წარმოდგენილი პროექტით ქვეპროგრამის ბენეფიციარების ლიმიტი იზრდება 170 ერთეულით, შესაბამისად ქვეპროგრამით გათვალისწინებულ მომსახურებას 1375 ბენეფიციარის ნაცვლად მიიღებს თვეში არაუმეტეს 1545 ბენეფიციარი.

აქვე, საკითხის წარმომდგენმა გელა ჩიკვაშვილმა ითხოვა და ჯანმრთელობის დაცვის და სოციალურ საკითხთა კომისია დაეთანხმა, წარმოდგენილ პროექტში შევიდეს ცვლილება და ლიმიტი გაიზარდოს 175 ერთეულით, შესაბამისად ქვეპროგრამით გათვალისწინებულ მომსახურებას მიიღებს თვეში 1550 ბენეფიციარი.

კომისიის თავმჯდომარემ ზურაბ ჩიკვილაძემ განმარტა, რომ უახლოეს მომავალში „აუტიზმის სპექტრის დარღვევის მქონე ბავშვთა აბილიტაციის ქვეპროგრამის“ მოსარგებლეთა ასაკობრივი ზღვარი გაიზრდება 23 წლამდე და შესაბამისად 18-დან 23 წლამდე პირები შეძლებენ თერაპიული კურსის მიღებას. ვინაიდან თერაპიული კურსის ღირებულება დაახლობით 5000 ლარს შეადგენს, ქვეპროგრამის მოსარგებლეთა ასაკის ცვლილება მნიშვნელოვანი ფინანსური მხარდაჭერა იქნება აუტიზმის სპექტრის დარღვევის მქონე პირთა ოჯახებისთვის.

კომისიის წევრმა ვახტანგ სურგულაძემ დადებითად შეაფასა დაგეგმილი ცვლილება „აუტიზმის სპექტრის დარღვევის მქონე ბავშვთა აბილიტაციის ქვეპროგრამის“ მოსარგებლეთა ასაკობრივი ზღვართან დაკავშირებით.

კომისიის წევრი ანა კავაბაძე დაინტერესდა როგორია აუტიზმის სპექტრის დარღვევის მქონე ბავშვთა სტატისტიკა საქართველოში, რასაც პასუხი გასცა გელა ჩივიაშვილმა და აღნიშნა რომ, ყოველი 60 ბავშვიდან 1 აუტისტური სპექტრის დარღვევის მქონეა.

სხდომის თავმჯდომარემ სხდომის დღის წესრიგით გათვალისწინებული პირველი საკითხი დააყენა კენჭისყრაზე. აღნიშნულ საკითხს კომისიის წევრების უმრავლესობამ დაუჭირა მხარი.

მომხრე: 7

წინააღმდეგი: 0

თავი შეიკავა: 0

ქალაქ თბილისის მუნიციპალიტეტის მერიის საფინანსო საქალაქო სამსახურის უფროსმა გაიოზ თალაკვაძემ წარადგინა ქალაქ თბილისის მუნიციპალიტეტის 2021 წლის ბიუჯეტის შესრულების წლიური ანგარიში, კერძოდ:

ჯანმრთელობის დაცვის სფეროს დასაფინანსებლად გეგმა განისაზღვრა 24,671.6 ათასი ლარით, საკასო შესრულებამ შეადგინა 24,604.0 ათასი ლარი, ანუ გეგმიური მაჩვენებლის 99.7%, ხოლო სულ ხარჯები და არაფინანსური აქტივების ზრდის საკასო შესრულების – 2%. მათ შორის:

#### დაავადებათა სკრინინგი

2021 წლის გეგმა - 2,255.0 ათასი ლარი, დაფინანსდა 2,206.9 ათასი ლარით, რაც გეგმის 97.9%-ია. დაგეგმილი შუალედური შედეგები: დაავადებათა ადრეული გამოვლენის საშუალებით მუმუს, საშვილოსნოს ყელის, პროსტატის, კოლორექტული და ფარისებრი ჯირკვლის კიბოთი გამოწვეული სიკვდილიანობის შემცირება. საანგარიშო პერიოდში განხორციელებული ღონისძიებების აღწერა და მიღწეული შუალედური შედეგები: საანგარიშო პერიოდში ჩატარდა დაავადებათა ადრეული გამოვლენის მიზნით, თბილისში რეგისტრირებული პირების (მ.შ. ფარისებრი ჯირკვლის კიბოს მართვის კომპონენტის ფარგლებში იძულებით გადაადგილებული პირები, რომელთაც სსიპ – სახელმწიფო სერვისების განვითარების სააგენტოს ბაზაში რეგისტრაციის ადგილად უფიქსირდებათ ქალაქი თბილისი) შემდეგი სახის სკრინინგული გამოკვლევები: მუმუს კიბოს სკრინინგი 40-70 წლის ჩათვლით ასაკის ქალებში, საშვილოსნოს ყელის კიბოს სკრინინგი 25-60 წლის ჩათვლით ასაკის ქალებში, პროსტატის კიბოს მართვა 50-70 წლის ჩათვლით ასაკის მამაკაცებში, კოლორექტალური კიბოს სკრინინგი 50-70 წლის ჩათვლით ორივე სქესისათვის, ფარისებრი ჯირკვლის კიბოს მართვა. ასევე, გაწეულია ა(ა)იპ ეროვნული სკრინინგ ცენტრის დიდუბის ფილიალის რემონტისთვის - 240.0 ათასი ლარი, ხოლო ცენტრის თანამშრომელთა წახალისებისთვის - 114.0 ათასი ლარი.

გადამდებ და არაგადამდებ დაავადებათა ეპიდემიოლოგიური კონტროლი

2021 წლის გეგმა - 561.7 ათასი ლარი, დაფინანსდა 100%-ით. დაგეგმილი შუალედური შედეგები: ავადობის პრევენცია, მართვადი ინფექციების გავრცელების შეზღუდვა/პრევენცია, ეპიდემიოლოგიური უსაფრთხოებისა და მოსახლეობის ჯანმრთელობის მდგომარეობის მხარდაჭერა. 2021 წ. დასაწყისიდან, მონიტორინგი ჩატარდა დასახული გეგმის მიხედვით, მხარდაჭერა. კორონავირუსული ინფექციის გავრცელებისთანავე მონიტორინგი გაგრძელდა ონლაინ რეჟიმში. კონკრეტული დანართები გვითხოვთ ეს გვერდზე. სამსახურებლის მიმწოდებლებს, თითქმის ყველა ამბულატორიული და სტაციონალური მომსახურებლის მიმწოდებლებს, კონტროლთან დაკავშირებით. ასევე, დაიწყო მზადება კონკრეტული იმფექციის საწინააღმდეგო აცრების დაგეგმარებასთან და მზადებასთან დაკავშირებით.

გაფანტული სკლეროზის სამკურნალო მედიკამენტების დაფინანსება

თავისი მილიონი იყო 60 ბენეფიციარის დაფინანსება, დაფინანსდა 83 ბენეფიციარი.

აუტომატიკურის დარღვევის მქონე ბავშვთა აბილიტაცია

2021 წლის გეგმა - 6,050.4 ათასი ლარი, დაფინანსდა 100%-ით. დაგეგმილი შუალედური საანგარიშო პერიოდში დაფინანსდა მულტიდისციპლინური გუნდის, ერთი ან საჭიროების შემთხვევაში, რამდენიმე 225 სპეციალისტის (ფსიქოლოგი, ფსიქიატრი, ნევროლოგი, ქცევითი თერაპევტი, ოკუპაციური თერაპევტი, ლოგოპედი, სპეციალური პედაგოგი და სხვა) მიერ მოსარგებლისათვის

კომპლექსური თერაპიის თვეში არაუმეტეს 20 ინდივიდუალური სეანსი, ინდივიდუალური განვითარების წლიური გეგმის შესაბამისად (მ.შ. გამოყენებითი ქცევითი ანალიზის თერაპია, საჭიროებისამებრ მეტყველების თერაპია, ოკუპაციური თერაპია და სხვა), ქცევითი ანალიზის თერაპიის სეანსების მინიმალური ოდენობა, თვეში 20 სეანსის განსაზღვრის შემთხვევაში შეადგენს: 2-7 წლის ასაკის ჩათვლით მოსარგებლებისათვის – არანაკლებ 14 სეანსს, 8-11 წლის ასაკის ჩათვლით მოსარგებლებისათვის – არანაკლებ 12 სეანსს, 12-17 წლის ასაკის ჩათვლით-მულტიდისციპლინური გუნდის ინდივიდუალური შეფასების საფუძველზე, ხოლო 20-ზე ნაკლები სეანსის განსაზღვრის შემთხვევაში, სეანსების ოდენობის არანაკლებ  $\frac{3}{4}$ , სეანსების ხანგრძლივობა შეადგენს არანაკლებ 1 საათს და თვეში ფინანსდება არაუმეტეს 1375 ბენეფიციარი. ქვეპროგრამის ფარგლებში მომსახურების ერთეულს წარმოადგენს კომპლექსური თერაპიის არანაკლებ ერთსაათიანი ინდივიდუალური ან ჯუფური სეანსი, რომლის ღირებულება შეადგენს 20 ლარს და ანაზღაურდება ფაქტობრივი ხარჯის მიხედვით.

დაგეგმილი მაჩვენებელი - დაგეგმილია თვეში საშუალოდ 1375 ბავშვისათვის მომსახურების გაწევა. მიღწეული მაჩვენებელი - დაგეგმილი მაჩვენებელი შესრულდა.

**მუმუს კიბოს სამკურნალო მედიკამენტების დაფინანსება**

2021 წლის გეგმა - 5,053.5 ათასი ლარი, დაფინანსდა 5,049.0 ათასი ლარით, რაც გეგმის 99.9%-ით.

დაგეგმილი შუალედური შედეგები: HER2-დადებითი მუმუს კიბოს ადრეულ სტადიებზე განკურნება, HER2-დადებითი მუმუს კიბოს ადრეულ სტადიაზე, პაციენტების მედიკამენტოზურ მკურნალობაზე ხელმისაწვდომობა, მეტასტაზების გაჩენის პრევენცია.

საანგარიშო პერიოდში დაფინანსდა შემდეგი სამკურნალო მედიკამენტები: HER-2 დადებითი ადგილობრივად გავრცელებული (I-III სტადია) მუმუს კიბოს დიაგნოზის ან რადიკალური ოპერაციის შემდგომ განვითარებული რეციდივის შემთხვევაში – ტრასტუზუმაბი, სიმსივნური კვანძის >2სმ-ზე ან/და ჰორმონურყოფითი (ER/PR-negative) ან/და დადებითი ნოდალური 227 სტატუსის (N+) შემთხვევაში პერტუზუმაბი+ტრასტუზუმაბი ან ფესგო, ბ) კონსილიუმის დასკვნის (რომელიც მოიცავს შესაბამისი პროფილის სხვადასხვა კლინიკის არანაკლებ, სამი ლიცენზირებული ექიმის დასკვნას) საფუძველზე, პაციენტის საჭიროებიდან გამომდინარე, დანიშნულების შესაბამისად, HER-2 დადებითი მეტასტაზური მუმუს კიბოს დიაგნოზის შემთხვევაში – ტრასტუზუმაბი, პერტუზუმაბი+ტრასტუზუმაბი ან ფესგო, გ) კონსილიუმის დასკვნის (რომელიც მოიცავს შესაბამისი პროფილის სხვადასხვა კლინიკის არანაკლებ, 3 ლიცენზირებული ექიმის დასკვნას) საფუძველზე, პაციენტის საჭიროებიდან გამომდინარე, დანიშნულების შესაბამისად, HER-2 დადებითი მეტასტაზური მუმუს კიბოს დიაგნოზის შემთხვევაში ლაპატინიბი. სოციალურად დაუცველი ოჯახების მონაცემთა ერთიან ბაზაში რეგისტრირებულ პირებს, რომელთა სარეიტინგო ქულა არ აღემატება 150 000-ს, მედიკამენტი

უფინანსდებათ სრულად, პროგრამით გათვალისწინებული ტარიფის შესაბამისად, თანაგადახდის გარეშე, ხოლო ყველა სხვა მოსარგებლებს – 80%-ით, გარდა „ბ“ ქვეპუნქტით გათვალისწინებული ტრასტუზუმაბის დაფინანსების შემთხვევისა, როდესაც მედიკამენტი-ტრასტუზუმაბი ფინანსდება ღირებულების – 50%-ის მოცულობით (ასეთ შემთხვევაში, პაციენტის თანაგადახდა შეადგენს ქვეპროგრამით დადგენილი მედიკამენტის ღირებულების ლიმიტის 50%-ს).

დაგეგმილი მაჩვენებელი - დაფინანსდება 208 ბენეფიციარი. მიღწეული მაჩვენებელი - დაფინანსდა 179 ბენეფიციარი.

#### ფსიქიკური ჯანმრთელობის სათემო მომსახურება

2021 წლის გეგმა - 625.0 ათასი ლარი, დაფინანსდა 619.3 ათასი ლარით, რაც გეგმის 99.1%-ია.

საანგარიშო პერიოდში დაფინანსდა შემდეგი ღონისძიებები: მულტისისტემური ინტერვენცია 5-17 წლის ასაკის ბავშვებსა და მოზარდებში და აქტიური (ასერტული) ფსიქიატრიული მკურნალობა 18 წლის ასაკის ზემოთ მოზრდილებში.

დაგეგმილი მაჩვენებელი - დაგეგმილი იყო მომსახურების გაწევა თვეში საშუალოდ 190 ბენეფიციარისათვის. მიღწეული მაჩვენებელი - მომსახურება გაეწია თვეში საშუალოდ 199 ბენეფიციარს.

#### ტრანსპლანტაცია

2021 წლის გეგმა - 8,950.0 ათასი ლარი, დაფინანსდა 8,943.3 ათასი ლარით, რაც გეგმის 99.9%-ია.

დაგეგმილი შუალედური შედეგები: ოპერაციული მკურნალობის ხელმისაწვდომობა, ონკოჰემატოლოგიური და ღვიძლის დაავადებების მქონე პაციენტებისთვის, რომლებიც საჭიროებენ ძვლის ტვინის და ღვიძლის ტრანსპლანტაციას.

საანგარიშო პერიოდში დაფინანსდა 177 შემთხვევა, მათ შორის: 166 - ძვლის ტვინის ტრანსპლანტაციის კომპონენტის ფარგლებში, ხოლო 11 - ღვიძლის ტრანსპლანტაციის კომპონენტის ფარგლებში.

დაგეგმილი მაჩვენებელი - დაგეგმილი იყო 173 ბენეფიციარის დაფინანსება. მიღწეული მაჩვენებელი - დაფინანსდა 177 ბენეფიციარი.

სოციალური დაცვა დაფინანსებულია 131,384.9 ათასი ლარით (გეგმიური მაჩვენებლის 132,527.1 ათასი ლარის 99.1%-ი) შემდეგ ქვეპროგრამებზე

#### კომუნალური სუბსიდირება

2021 წლის გეგმა - 6,245.0 ათასი ლარი, დაფინანსდა 100%-ით.

საანგარიშო პერიოდში სოციალურად დაუცველი ოჯახების მონაცემთა ერთიან ბაზაში თბილისში რეგისტრირებულ 200 001-მდე სარეიტინგო ქულის მქონე ოჯახებისათვის/აბონენტებისათვის განხორციელდა ელექტროენერგიის, წყლისა და დასუფთავების მოსაკრებელზე სუბსიდიის დარიცხვა

დაგეგმილი მაჩვენებელი - დაგეგმილია 28930 ოჯახის სუბსიდირება საშუალოდ თვეში (5 თვის განმავლობაში) მიღწეული მაჩვენებელი - განხორციელდა 30959 ოჯახის სუბსიდირება საშუალოდ თვეში (5 თვის განმავლობაში).

სოციალურად დაუცველი მრავალშვილიანი ოჯახებისათვის 18 წლამდე ასაკის თითოეულ ბავშვზე ყოველთვიური დახმარება

2021 წლის გეგმა - 11,318.3 ათასი ლარი, დაფინანსდა 100%-ით.

საანგარიშო პერიოდში ყოველთვიური მატერიალური დახმარება 50 ლარის ოდენობით გაეწია სოციალურად დაუცველი ოჯახების მონაცემთა ერთიან ბაზაში (ოჯახის სარეიტინგო ქულა 70 000 და ნაკლები) რეგისტრირებულ მრავალშვილიან ოჯახებს 18 წლამდე ასაკის თითოეულ ბავშვზე. ფინანსური დახმარება გაეწია თვეში საშუალოდ 5441 ოჯახს - 18693 ბავშვზე.

დაგეგმილი მაჩვენებელი - იგეგმება თვეში საშუალოდ 18864 ბავშვის დაფინანსება, მათ შორის საშუალოდ 50% გოგონა, 50% ბიჭი. მიღწეული მაჩვენებელი - დახმარება გაეწია თვეში საშუალოდ 18693 ბავშვს, მათ შორის საშუალოდ 50% გოგონა, 50% ბიჭი.

#### შეზღუდული შესაძლებლობის მქონე ბავშვთა და მოზარდთა საკურორტო მომსახურება

2021 წლის გეგმა - 1,331.0 ათასი ლარი, დაფინანსდა 1,329.6 ათასი ლარით, რაც გეგმის 99.9%-ით.

საანგარიშო პერიოდში დაფინანსდა შრომითი ხელშეკრულებით დასაქმებული პირების შრომის ანაზღაურება და ანაზღაურებული იქნა 1203 ვაუჩერის ღირებულება, რომლითაც ისარგებლა ერთმა შეზღუდული შესაძლებლობის მქონე პირმა და მინიმუმ ერთმა გამყოლმა.

დაგეგმილი მაჩვენებელი - დაიგეგმა 1643 ვაუჩერების გაცემა, მათ შორის 37.6% გოგონა, 62.4% ბიჭი. მიღწეული მაჩვენებელი - დაფინანსდა 1641 ვაუჩერი, მათ შორის 63.1% გოგონა.

#### 100 წელს მიღწეულ მოქალაქეთათვის ერთჯერადი დახმარება

2021 წლის გეგმა - 47.0 ათასი ლარი, დაფინანსდა 46.0 ათასი ლარით, რაც გეგმის 97.9%-ია.

საანგარიშო პერიოდში ერთჯერადი მატერიალური დახმარება გაეწია 100 წელს მიღწეულ 46 მოქალაქეს.

დაგეგმილი მაჩვენებელი - დაიგეგმა 47 ბენეფიციარის დაფინანსება მიღწეული მაჩვენებელი - დახმარება გაეწია 46 ბენეფიციარს.

## სოციალურად დაუცველი მოსახლეობის სერვისების მიწოდება

დაფინანსებულია 2,162.7 ათასი ლარით, რაც გეგმის (2,186.0 ათასი ლარი) 98.9%-ია. ქვეპროგრამის ფარგლებში სოციალურად დაუცველი ოჯახების ბავშვთა უფასო სწავლება ყოველთვიურად ფინანსდება ხელოვნების სკოლებში (32 სკოლა), მოსწავლე ახალგაზრდობის სახლებში (9 ფილიალი) და სასახლეში, სპორტულ სკოლებსა და საცურაო აუზებში (20 სკოლა/ცენტრი/აუზი/ფედერაცია).

## სოციალური მზრუნველობის სააგენტოს ხელშეწყობა

2021 წლის გეგმა - 3,200.0 ათასი ლარი, დაფინანსდა 2,985.5 ათასი ლარით, რაც გეგმის 93.3%-ია. დაგეგმილი შუალედური შედეგები: მუნიციპალიტეტის ტერიტორიაზე ბავშვთა უფლებების დაცვისა და მხარდაჭერის ღონისძიებები, ადრეული და სკოლამდელი აღზრდის დაწესებულებებში სოციალური მუშაობის ჩატარება. შეიქმნა სოციალური მუშაკთა ქსელი და განისაზღვრა მათი სამოქმედო უბნები (115 სოციალური მუშაკი (მათ შორის 25 უფროსი სოციალური მუშაკი) გადანაწილდა 10 სამოქმედო უბანზე მდებარე 30 საბავშვო ბაგა-ბაღში.

## სამედიცინო და სხვა სოციალური საჭიროებების დახმარების ღონისძიებები

2021 წლის გეგმა - 17,195.1 ათასი ლარი, დაფინანსდა 16,874.4 ათასი ლარით, რაც გეგმის 98.1%-ია. საანგარიშო პერიოდში „სამედიცინო და სხვა სოციალური საჭიროებების დახმარების ღონისძიებების ხელშემწყობი კომისიის“ თანახმად ძირითადი მოთხოვნა დაფიქსირდა მედიკამენტების, ოპერაციული მკურნალობის და სხვა სამედიცინო მომსახურებების დაფინანსებაზე. სულ 244 გადარიცხულია 13,995.7 ათასი ლარი, მათ შორის: 3475 ბენეფიციარის მედიკამენტებით უზრუნველყოფა - 2,728.7 ათასი ლარი, 5044 ბენეფიციარის ოპერაციული მკურნალობა - 5,720.3 ათასი ლარით, ხოლო 5592 ბენეფიციარის სხვა სამედიცინო მომსახურებები - 5,546.7 ათასი ლარი. გარდა ამისა, სხვადასხვა ღონისძიებების დასაფინანსებლად, ბიუჯეტის სარეზერვო ფონდიდან გაწეულია 2,878.7 ათასი ლარი,

## ომის ვეტერანების დახმარება

2021 წლის გეგმა - 141.0 ათასი ლარი, დაფინანსდა 100%-ით. საანგარიშო პერიოდში განხორციელდა მეორე მსოფლიო ომის ვეტერანებისა და ამ ომში მარჩენალ დაკარგულთათვის 9 მაისის დღესასწაულთან დაკავშირებით ფინანსური დახმარების გაწევა. შესაბამისი სტატუსის მქონე პირებისათვის გადარიცხულ იქნა შემდეგი თანხები: ა). მეორე მსოფლიო ომის მონაწილე 115 ბენეფიციარს გადაერიცხა 1000-1000 ლარი, სულ 115 000 ლარი, ბ) მარჩენალ დაკარგულის სტატუსის მქონე 52 ბენეფიციარს 500-500 ლარი, სულ 26 000 ლარი.

საქალაქო საავტობუსო ტრანსპორტით, მიწისქვეშა ელექტროტრანსპორტით (მეტრო) რეგულარული სამგზავრო გადაყვანისას, საბაგირო გზით „უნივერსიტეტი-ბაგები“ მგზავრთა გადაყვანისას უფასო და შეღავათიანი ტარიფით მოსარგებლე პირთა მომსახურება

2021 წლის გეგმა - 33,287.4 ათასი ლარი, დაფინანსდა 100%-ით. მიწისქვეშა ელექტროტრანსპორტით (მეტრო), საბაგირო და M3 კატეგორიის ავტობუსებით უფასო ან შეღავათიანი ტარიფით გადაყვანილია 85.3 მლნ მგზავრი.

#### მარტოხელა ხანდაზმულთა დღის ცენტრის ხელშეწყობა

2021 წლის გეგმა - 7,4 ათასი ლარი, დაფინანსდა 0.6 ათასი ლარით, რაც გეგმის 8.5%-ია.

საანგარიშო პერიოდში დაფინანსებულია ცენტრის კომუნალური ხარჯები, სადაც ყოველდღიურად მომსახურებას იღებს 35- 40 ბენეფიციარი. კერძოდ, 485.81 ლარი გადაირიცხა შპს „ვარკეთილაირში“, 84 ლარი შპს „თბილსერვის ჯგუფში“ და 58 ლარი ს/ს „თელასში“.

#### უფასო სასადილოებით მომსახურება

დაფინანსებულია 19,423.9 ათასი ლარით (გეგმიური მაჩვენებლის 19,451.3 ათასი ლარის 99.9%-ი). თბილისში ფუნქციონირებს 63 უფასო სასადილო, რომელიც ემსახურება თვეში საშუალოდ 40709 ბენეფიციარს.

#### გარდაცვლილ მეომართა სარიტუალო ღონისძიებები

დაფინანსებულია 77.7 ათასი ლარით (გეგმიური მაჩვენებლის 85.5 ათასი ლარის 90.9%) შემდეგ ქვეპროგრამებზე:

#### დაწერული სახლების მაცხოვრებელთა კომპენსაცია

დაფინანსებულია 7,091.2 ათასი ლარით (გეგმიური მაჩვენებლის 7,121.9 ათასი ლარის 99.6%). საანგარიშო პერიოდში ბინის ქირის საკომპენსაციო თანხებით დახმარება გაეწია თბილისის ათ რაიონში მცხოვრებ სიით 1982 ოჯახს.

#### ომის ვეტერანების დახმარება რაიონებში

დაფინანსებულია 52.0 ათასი ლარით (გეგმიური მაჩვენებლის 55.9 ათასი ლარის 93.1%).

#### სხვა სოციალური (დახმარების) ღონისძიებები რაიონებში

დაფინანსებულია 25,794.2 ათასი ლარით (გეგმიური მაჩვენებლის 26,124.1 ათასი ლარის 98.4%).

#### წყალმომარაგების სისტემის მოწესრიგება რაიონებში

დაფინანსებულია 3.5 ათასი ლარით (გეგმიური მაჩვენებლის 6.0 ათასი ლარის 58.3%).

## თბილისის მუნიციპალური თავშესაფრის მოვლა-პატრონბა

საანგარიშო პერიოდში გაწეულია მემორანდუმით (პალიატიური ზრუნვა) გათვალისწინებული ხარჯების ასანაზღაურებლად ა(ა)იპ „წმინდა მამა გაბრიელის სახელობის მიუსაფარ მოხუცთა პალიატიური ჰოსპისისათვის“ – 118.7 ათასი ლარი. ასევე, გაწეულია ა(ა)იპ თბილისის მუნიციპალური თავშესაფარის ფუნქციონირების ხელშეწყობის ხარჯები 1,105.1 ათასი ლარი. საანგარიშო პერიოდში თავშესაფარში იმყოფებოდა თვეში საშუალოდ 99 ბენეფიციარი. აღსანიშნავია, რომ თავშესაფრის ადმინისტრაცია, კორონავირუსის ნეგატიური შედეგების აღმოსაფხვრელად, ბენეფიციარებს ფსიქო-სოციალური დახმარების სხვადასხვა სერვისს სთავაზობს. მათ შორისაა არტ-თერაპია, რომლის დროსაც ბენეფიციარები, საჭიროებისამებრ, როგორც ინდივიდუალურად, ასევე ჯგუფურად მუშაოებენ. არტ-თერაპიის ჯგუფებში, თავშესაფრის მობინადრეები, რომელთა ასაკი 35-60 წელია, ხატავენ, ძერწავენ, თიხის, ბუნებრივი და ხელოვნური მასალისაგან ამზადებენ ნივთებს.

სოციალურად დაუცველი 18 წლამდე მკვეთრად და მნიშვნელოვნად შეზღუდული შესაძლებლობის მქონე პირების დახმარება

2021 წლის გეგმა - 968.0 ათასი ლარი, დაფინანსდა 966.0 ათასი ლარით, რაც გეგმის 99.8%-ია.

საანგარიშო პერიოდში სოციალურად დაუცველი 150 000-ის ჩათვლით სარეიტინგო ქულის მქონე 18 წლამდე ასაკის შშმ ბავშვისათვის ოჯახის უფლებამოსილი პირის სახელზე განხორციელდა მაისის და დეკემბრის თვეების კუთვნილი ფულადი დახმარების დარიცხვა 400-400 ლარის ოდენობით. მაისის თვის კუთვნილი 400 ლარი მიიღო 1 179 შშმ ბავშვმა, ხოლო დეკემბრის - 1 202 შშმ ბავშვმა. ასევე, 34 ბავშვისათვის გაიცა 2020 წლის კუთვნილი დახმარებაც 400 ლარის ოდენობით.

„ვორლდ ვიუნ საქართველოს“ სოციალურად დაუცველი ბავშვების დღის ცენტრის თანადაფინანსება

სოციალურად დაუცველი ოჯახების ბავშვების დღის ცენტრის მომსახურებით უზრუნველყოფა 82.5 ათასი ლარით დაფინანსდა (100%).

სოციალურად დაუცველი მკვეთრად შეზღუდული შესაძლებლობების მქონე უსინათლო პირების დახმარება

საანგარიშო პერიოდში ქ.თბილისში „სოციალურად დაუცველი ოჯახების მონაცემთა ერთიან ბაზის“ მიხედვით, 150 001-ზე ნაკლები სარეიტინგო ქულის მქონე ოჯახებში რეგისტრირებულ, მკვეთრად შეზღუდული შესაძლებლობების მქონე უსინათლო პირებისათვის, დადგენილი წესით გაიცა 2020 წლის კუთვნილი ფულადი დახმარება. ფინანსური დახმარება გაეწია სოციალურად დაუცველი ოჯახების მონაცემთა ერთიან ბაზაში რეგისტრირებულ 5 ბენეფიციარს (მათ შორის:

ერთ პირზე გაიცა სამი თვის კუთვნილი თანხა თვეში 300 ლარი, ერთი პირზე ორი თვის კუთვნილი - თვეში 300 ლარი და სამ პირზე ერთი თვის კუთვნილი - თვეში 300 ლარი). ასევე, 2021 წლის მაისის თვის კუთვნილი დახმარება მიიღო 611 უსინათლო პირმა, აგვისტოს თვის - 600-მა, ხოლო დეკემბრის - 577 უსინათლო პირმა. 2021 წლის გეგმა - 540.1 ათასი ლარი, დაფინანსდა 538.8 ათასი ლარით, რაც გეგმის 99.8%-ია.

#### სოციალურად დაუცველ ოჯახებში ყველა ახალშობილზე ერთჯერადი დახმარება

2021 წლის გეგმა - 598.8 ათასი ლარი, დაფინანსდა 596.3 ათასი ლარით, რაც გეგმის 99.6%-ია. საანგარიშო პერიოდში ფინანსური დახმარება გაეწია სოციალურად დაუცველი ოჯახების მონაცემთა ერთიან ბაზაში (ოჯახის სარეიტინგო ქულა 100 000 და ნაკლები) რეგისტრირებულ 771 ოჯახს, რომელთაც შეძინათ ახალშობილი, (მათ შორის: 327 ოჯახს - პირველი ან მეორე შეიღილის შეძენისთვის, 246 ოჯახს - მე-3 შეიღილის შეძენისთვის, 122 ოჯახს - მე-4 შეიღილის, ხოლო 76 ოჯახს მე-5 და მეტი შეიღილის შეძენისათვის).

#### შინმოვლის თანადაფინანსება

2021 წლის გეგმა - 390.0 ათასი ლარი, დაფინანსდა 370.0 ათასი ლარით, რაც გეგმის 94.9%-ია.

საანგარიშო პერიოდში პარტნიორი ორგანიზაციების მიერ ხორციელდებოდა „სოციალურად დაუცველი მოსახლეობის მონაცემთა ერთიან ბაზაში“ 200 000 და ქვევით სარეიტინგო ქულით რეგისტრირებული თბილისში მცხოვრები ოჯახებისათვის მარტოხელა, საწოლსმიჯაჭვული პირების (ზართელის უძლურების შეფასების ინდექსი  $\leq 95$ ) დახმარება - შინმოვლა. მიმწოდებლის მიერ წარმოდგენილი წერილობითი ანგარიშის საფუძველზე ანაზღაურებული იქნა იანვარსა და თებერვალში შესრულებული სამუშაოს ღირებულება: „დიაკვნის ევანგელურ ლუთერული საზოგადოებისათვის“ – 31.8 ათასი ლარი, „საქართველოს კარიტასისათვის“ – 138.4 ათასი ლარი, „ერთად მოყვასისათვის“ – 98.6 ათასი ლარი, წითელი ჯვრის საზოგადოებისათვის – 86.9 ათასი ლარი და ბენეფიციართა შემფასებელი პირველადი ჯანდაცვის დაწესებულებებისათვის - 14.3 ათასი ლარი.

#### შეზღუდული შესაძლებლობების მქონე პირთა საზოგადოებაში ინტეგრაციის ხელშეწყობა

2021 წლის გეგმა - 830.0 ათასი ლარი, დაფინანსდა 779.4 ათასი ლარით, რაც გეგმის 93.9%-ია.

საანგარიშო პერიოდში გაწეულია შრომითი ხელშეკრულებით დასაქმებული პირების შრომის ანაზღაურების ხარჯები - 34.9 ათასი ლარი. გარდა ამისა, გაწეულია 18 წლის ასაკის ზემოთ თბილისში მცხოვრები შმმ პირებისათვის, რომლებიც სარგებლობენ დღის ცენტრების მომსახურებით, მომსახურების 20% თანადაფინანსება, კერძოდ: ა(ა)იპ თავისუფალი პედაგოგიკის ცენტრი - 2496 ლარი, ა(ა)იპ კავშირი ია - 1962 ლარი, ა(ა)იპ ასოციაცია ანიკა - 483 ლარი, ა(ა)იპ ბავშვი, ოჯახი, საზოგადოება - 2340 ლარი, ა(ა)იპ მშობელთა ხიდი - 1683 ლარი, ა(ა)იპ

საქართველოს ყრუთა კავშირი - 75 ლარი, ა(ა)იპ სმენისა და მეტყველების დარღვევის მქონე ბავშვების დახმარების ასოციაცია - 354 ლარი, ა(ა)იპ საქართველოს ფსიქიკური ჯანმრთელობისა ასოციაცია - 4500 ლარი, ა(ა)იპ სარეაბილიტაციო და სოციალური ადაპტაციის ცენტრი აისი - 3642 ლარი, ა(ა)იპ ავადმყოფთა მომსახურ სასულიერო პირთა ორდენის (კამილიელების) ფილიალი საქართველოში - 2121 ლარი, ჯამში 10 დღის ცენტრი დაფინანსდა - 19.7 ათასი ლარით. ასევე, გაწეულია სხვადასხვა ღონისძიებების ხარჯები: საგარანტიო შესრულებები (93 განცხადება) სხვადასხვა საჭიროებებისათვის - 599.1 ათასი ლარი, ხოლო საპროექტო განაცხადის საფუძველზე გაცემული დაფინანსებები - 110.4 ათასი ლარი, მათ შორის: ა(ა)ი.პ საქართველოს უსინათლოთა კავშირი - გამცილებლის მომსახურება - 16.5 ათასი ლარით, ა(ა)ი.პ საქართველოს ყრუთა კავშირი - 32.2 ათასი ლარით, ა(ა)იპ სმენისა და მეტყველების დარღვევის მქონე ბავშვთა დახმარების ასოციაცია - 15.4 ათასი ლარით, ა(ა)იპ სამართლისა და თანასწორობის ცენტრი - 41.6 ათასი ლარით, ა(ა)იპ ია - 4.7 ათასი ლარით.

სხდომის თავმჯდომარემ სხდომის დღის წესრიგით გათვალისწინებული საკითხი დააყენა კენჭისყრაზე. კომისიის წევრების უმრავლესობამ მხარი დაუჭირა აღნიშნული საკითხი განხილულ იქნას საკრებულოს უახლოეს სხდომაზე.

მომხრე: 7

წინააღმდეგი: 0

თავი შეიკავა: 0

კომისიამ დაადგინა

წარმოდგენილი პროექტები განხილული იქნას საკრებულოს უახლოეს სხდომაზე ჯანმრთელობის დაცვის და სოციალურ საკითხთა კომისიის უმრავლესობის დადებითი რეკომენდაციით.

კომისიის სხდომის თავმჯდომარემ სხდომა დახურულად გამოაცხადა.

ჯანმრთელობის დაცვის და სოციალურ

საკითხთა კომისიის თავმჯდომარე

ზურაბ ჩიკვილაძე